

OHR i OSCE pozivaju vlasti da ne ruše kuću u Pionirskoj ulici

OHR i OSCE danas su uputili zajedničko pismo načelniku Opštine Višegrad, kojim jasno pozivaju vlasti da obustave planirano rušenje kuće u Pionirskoj ulici, koja je bila poprište užasnog ratnog zločina.

„Ako se krene s planiranim izvršenjem i rušenjem 24. decembra, to bi moglo biti shvaćeno kao veoma negativan korak koji podsjeća na neke od najtežih dana u historiji ove zemlje“, kazali su u pismu visoki predstavnik Valentin Inzko i vršiteljica dužnosti šefa Misije OSCE-a u Bosni i Hercegovini Nina Suomalainen.

Pored značaja moralnih i ljudskih prava, kao i pomirenja u ovom slučaju, Inzko i Suomalainen također su prenijeli svoja saznanja da kuća može sadržavati materijalne dokaze u vezi s krivičnom istragom koja se provodi.

Kada je u pitanju planirana cesta, a nakon posjete navedenoj lokaciji prošle sedmice, OHR i OSCE smatraju da postoji prostor za kompromis koji bi omogućio istovremeno postojanje i planirane ceste i kuće.